

續名醫類案

第十

S28
1794
1810



續名醫類案卷十

錢塘魏之琇編集

海昌王士雄孟英
定州楊照黎素園

同校

癥瘕

附疝癖

陳白明治毘陵一貴宦妻患小便不通臍腹脹痛不可忍眾醫皆作淋治如八正散之類俱不得通陳診之曰此血瘕也非暝眩藥不可去與桃仁煎更初服至日午大痛不可忍遂臥少頃下血塊如拳者數枚小便如黑豆汁一二升痛止得愈此藥治病的切然猛烈大峻氣虛血弱者宜甚



酌之桃仁大黃朴硝各一兩。蝨蟲半兩炒黑。共爲末。醋鍊。

丸梧桐子大。五更初溫酒吞下五丸。

原注此方不可妄用良方

杜王治馬氏婦年三十二。腹中血塊作疼。經五六年形已骨

立。眾皆曰不可爲。奈其未死。何家甚貧。而大小慙之一日。

召杜至告杜曰。但以濟物爲懷。則可業已請召明醫。非所

言也。遂以少物帛贈杜。杜不受曰。但服某藥。必獲安。無以

是爲疑。遂示方。用沒藥牛漆乾漆當歸各半兩。礪砂木香

水蛭炒。紅娘子炒。紅花丹皮硃砂各一分。海馬一個斑貓

去翅足炒。十四個爲末。酒醋各半升熬爲膏。每日天明用

一皂子大。酒醋化下。一月病退。六十日漸安。

此藥較饑湯更峻宜斟酌



之用

陳藏器曰昔有患疰癖者夢人教每日食大蒜三顆初食遂

致瞑眩吐逆下部如火後有人教取數瓣合皮截卻兩頭

吞之名曰內炙果獲大效

本草綱目

張景岳治麵停小腸右角與此意同

張子和治汴梁曹大使女年既笄病血痕數年太醫宜企賢

以破血等藥治之不愈企賢曰除得陳州張戴人方愈一

日戴人至汴京曹乃邀問焉戴人曰小腸移熱于大腸爲

伏瘕故結硬如塊面黃不食乃用涌泄之法數年之疾不

再旬而愈

柴嶼青乾隆己未寓瀋陽京兆署兵房吏王某患癥疾教以

蒸臍法治之。兼服加減五積散而愈。其妻母同患是症。王卽照方遺之。亦痊。

孫文垣治汪氏婦。經水久不止。內有紫黑色血塊。胃胸腹皆痛。玉戶且腫。手足皆冷。不知飢餓。腹下有一塊堅如石。脈左數右沈澁。此血瘀症也。用糖毬子五錢。元胡索五錢。脂香附麥芽青皮各一錢。水煎服。痛減半。手足漸溫。加當歸丹皮蒲黃益母川芎。四帖痛止。玉戶亦消。又四帖而經水

調。方甚平穩。

張子和治一童子。入門狀如鞠躬而行。張曰。此疰氣也。令解衣揣之。一道如臂。其家求療。先刺其左。如刺重紙剝然有

聲而令按摩之立軟其右亦然觀者嗟異或問之曰石關穴也。

永康應童嬰腹疾恆病屢行久不伸松陽周漢卿解裳視之氣衝起腹間者二其大如臂漢卿刺其一魄然鳴又刺其一亦如之稍按摩之氣血盡解平趨無留行。續大粹

武叔卿曰夫疰癖癥瘕血氣塊硬發歇刺痛甚則欲死先而
言之皆血之所爲。

陳良甫常治一婦人血氣刺痛極不可忍甚而死一二日方
省醫巫併治數年不愈僕以葱白散烏雞丸遂安。

陳良甫治一婦人血氣作楚如一小盤樣走注刺痛要一人



扶定方少止亦用此一二藥而愈尋常小小血氣用此二藥亦有奇效。濟陰綱目

陳良甫治婦人病血氣作楚痛不可忍服諸藥無效召診之曰關脈弱沈而肝脈沈緊此血氣漸成疰癖也亦只以前二方治之而愈又四明馬朝奉後院亦病此用二方治之

亦愈。同上

宋孝武路太后病眾醫不識徐文伯診之曰此石博小腹耳乃爲水濟消石湯病卽愈。南史

董含妾腹內生一痞始如彈丸五六年後大類鵝卵中似有一窟往來移動或痛或止百藥罔效久之遍體發腫內作



水聲日夕呻吟死而復甦者再諸醫束手無策皆云此名
水鼓病已成不可復痊矣章文學旭字東生名醫也善治
奇疾往邀之曰此非水症乃積聚所致不半日可愈但所
用藥猛烈轉鬪而下驅水甚疾試問疾人願服與否而病
者曰我已垂殆苟一綫可救死無憾也於是取紅九十粒
如菜豆大以枳槲枳實等五六味煎湯下之初覺喉中響
聲可畏勢將不支頃之胸膈間如刀刃亂刺哀號轉擲痛
不可狀又頃之下水斗許頭面腫退不逾時又下數升腹
背亦退病人曰我今覺胸背頓寬遂熟睡片刻時章君猶
在坐也曰此番不獨水去痞亦當漸散矣進補劑二日明

後日可連服之。遂辭去。至晚又下水四五升。手足腫全絕。不三日病全愈。既而忽痞勢搖動。下紅黑痢三晝夜。痞亦不見。眾醫驚服。往叩其故。章曰。此名腸覃。在內經水脹論中。君輩自坐不讀書耳。皆慙而退。按岐伯曰。寒氣客於腸外。與胃氣相搏。瘕而內著。瘕肉乃生。始如雞卵。至其成若懷子之狀。按之則堅。推之則移。月事以時下。腸覃生於腸外故也。又有一種名石瘕。病狀相同。月事不以時下。石瘕生於胞中故也。皆婦人之病。因有積聚可導。而下似水脹。而非水脹也。

臨症之工
大宜分別

此疾若非章君久作泉下之鬼矣。

今人能感激如是者
鮮矣

三岡識畧

一男子腸鳴食少臍下有塊耕動若得下氣多乃已已而復
鳴屢用疎氣降火藥半年不愈乃以理中湯爲君佐芩連
枳實一服腸鳴止又每服吞厚朴紅豆蔻九其氣耕亦平
矣

薛立齋治一婦人經不調兩拘腫脹小便澀滯腹中一塊作
痛或上攻脇腹或下攻小腹發熱晡熱惡寒肌膚消瘦飲
食無味殊類瘵症久而不愈此肝脾血氣虧損用八珍湯
逍遙散歸脾湯隨症互服而愈

一婦人性多鬱怒勤於女工小腹內結一塊或作痛或痞悶
月經不調恪服伐脾之劑今人受此內熱寒熱胸膈不利害者尤多



飲食不甘、形體日瘦、牙齦蝕爛、此脾土不能生肺金。肺金

不能生腎水。腎水不能生肝木。當滋化原。用補中益氣

味地黃。至仲春而愈。必舉仲春者以肝木斯令時也

松江太守何恭人、性善怒、腹結一塊、年餘上腭蝕透、血氣虛

極、時季冬、肝脈洪數、按之弦緊、餘脈微弱、或用伐肝木清

胃火之藥、薛曰、真氣虛而邪氣實也、恐伐肝木、至春不發

生耳、用八珍湯以生氣血、用地黃丸以滋腎水、肝脈頓退、

因大怒耳內出血、肝脈仍大、煩熱作渴、此無根之火也、仍

以前藥加肉桂、二劑脈歛熱退、復大怒、果卒于季冬、辛巳

日、乃以金尅木故也。

一婦人耳下腫赤寒熱口苦月經不調小腹內一塊此肝火
氣滯而血凝也。用小柴胡加山梔川芎丹皮治之。諸症悉
退。

潤州某公補劑中多用敗龜板垂十年頗健晚患蠱脹乃謁
白飛霞飛霞診視良久曰此瘕也公豈餌龜板藥耶今滿
腹皆龜。吾藥能逐之。其骨節腠理者非吾藥所能也。乃與
赤丸如粒服之下龜如菽大者并餘得稍寬不數月死。易
簣時驗小遺悉有細蟲彷彿龜形物得氣而傳如此可不

慎哉。

周櫟圖
書影

黃山畢公服膈肭臍初頗有驗久之得沙淋疾沙皆作犬形

頭尾畧具同上

陳白明治一婦人腹內結塊久而不消與神仙追毒丸一粒

卽痊方見
蠱門

陳自明云予族子婦病腹中大塊如盃每發則痛不可忍時

子婦已貴京下善醫者悉診治莫能愈予應之曰此血痕

也投黑神丸盡三九塊氣盡消終身不復作良方
說續編醫

孫俟居比部病腹中若有癥瘕不食不眠煩懣身熱仲淳投

以人參白芍茯苓麥冬木通棗仁石斛方甫具史鶴亭太

史至見方中有大劑人參駭曰向因投參至劇此得無謬

乎仲淳曰病勢先後不同當時邪未退滯未消故不宜今



病久飽脹煩懣者。氣不歸元也。不食者。脾元虛也。不眠而煩者。內熱津液少也。今宜亟用此藥矣。四劑而瘳。後復病。仲淳診之曰。此陰虛也。非前症矣。更以麥冬白芍枸杞五味生地車前。而熱遂退。

廣筆記

痞

立齋治黃恭人。腹內一塊。不時作痛。痛則人事不知。良久方

蘇。諸藥不應。診其脈沈細。則非瘡毒。河間云。失笑散。

五靈脂蒲

黃等分。爲末。醋湯調。每服二錢。治疝氣。及婦人血氣痛。欲死並效。與一服

痛去六七。再服而平。此藥治產後心腹絞痛。及兒枕痛尤



妙

錢國賓治陳小山妻年三十二歲痞成形狀宛如鯽魚長五寸闊寸許頭尾口牙悉具漸漸游行穿腸透膜上近喉邊下近谷道飲血咬肝聲呼痛楚形神狼狽其脈強牽尚有胃氣可治先以古方五味紫金錠磨服止痛次以煨刀豆殼一兩爲君以此豆能殺痞也乳香沒藥定痛活血射香通竅木香順氣調以砂糖作餌痞受毒藥旬日內伏不動月餘而化便出如蜣肉一堆以四物參朮枸杞香附調理百日全安。

張文潛藥戒云張子病痞積於中者伏而不能下自外至者

捍而不能納。從醫而問之曰：非下之不可。歸而飲其藥。既
飲而暴下。不終日而向之伏者散而無餘。向之捍者柔而
又不支。焦膈導達。呼吸開利。快然若未始疾者。不數日瘡
復作。以故藥其快然也。亦如初。自是逾月而瘡五作。五下
輒下。每愈。然張子之氣。一語而三引。體不勞而汗。股不步
而慄。膚革無所耗于外。而其中藹然。莫知所自來。聞楚之
南有良醫焉。往而問之。醫嘆曰：子無歎。是藹然者也。天下
之理。其甚快于余心者。其未必有所傷。求無傷于終身者。
則初無快于吾心。瘡橫于胸中。其累大矣。擊而去之。不須
臾而除。甚大之累。和平之物。不能爲也。必將擊搏震撓而

後可。其功未成而和平已病。則子之痞。凡一快者。子之一傷矣。不終日而快者五。則和平之氣不既索乎。且將去子之痞。而無害其和乎。子歸燕居三月。而後予之藥可爲也。張子歸三月。而後請之。醫曰。子之氣少全矣。取藥而授之。三日而疾少平。又三日而少康。終年而復常。且飲藥不得亟進。張子歸而行其說。其初使人慙然遲之。蓋三投其藥。而三反之也。然日不見其所攻。久較則月異。而時不同。蓋終歲而疾平。

容齋五筆

張子和治息城司侯。聞父死于賊。乃大悲。哭之罷。便覺心痛。日增不已。月餘成塊。狀若盃覆。而大痛。不住藥。無功。議用